



## БІЛІМДІ ЖАС – БІЛІКТІ МАМАН (Yessenov University БББ негізінде)

**Жеткізгенова Әлия Түгелбайқызы**  
Yessenov University  
Қауымдастырылған профессор м.а.,  
филология ғылымдарының кандидаты

Білімді ғылыми бағытта саралап, таңдаған мамандығыңыз бойынша терең әрі жан-жақты білім алып, білікті маман, ғалым атанудың алғашқы қадамдары магистратурадан бастау алмақ.

Бүгінде жас мамандардың көпшілігі білімін магистратурада тереңдетуді қалайды. Магистр дәрежесі барлардың жұмысқа орналасу мүмкіндігі бакалавриатты аяқтағандарға қарағанда жоғары, магистрлік дипломы бар мектеп мұғалімдерінің жалақысы өзгелерге қарағанда жоғары, шетелдің жетекші жоғары оқу орындарында ғылыми тағылымдамалардан өту мүмкіндігі бар,

Қазіргі таңда педагогикалық мамандықтың мәртебесі биіктеп, өркениетті елдер көшіне ілесер жас ұрпақ алдындағы жауапкершілігі жоғары тұлға ретінде құрметке ие болғандығы көңіл қуантарлық жаналыққа айналғандығы белгілі. Сондықтан, жоғары оқу орындарында педагогикалық мамандықта бакалавр деңгейінен кейін магистратурада білімін жалғастыруға ынталы үміткерлер саны жылма-жыл арта түсуде.

Магистратура – ғылым және тәжірибелі карьера жүйесінде әрі қарай дамуға мүмкіндік беретін жоғарғы оқу орнынан кейінгі саты. Магистр-мамандар өндіріс және бизнес саласында жетекшілік етуге ие болады.

Білімдінің жолы ашық, келешегі айқын, болашағы жарқын ғасырымызда ілім көкжиегін кеңейтемін деген үміті бар әрбір талаптыға мүмкіндік мол. Мектеп қабырғасынан қаланған білім іргетасының беріктігі келешек кәсіптің тұтқасын ұстатып, дамудың даңғыл жолына қадам нық сеніммен бастырады. Бакалавр дипломын алған түлектің алдында білімнің биіктігін айқындайтын тағы бір шың – магистратура тұрады.

Ш.Есенов атындағы Каспий технологиялар және инжиниринг университетінде 7M01701 – «Қазақ тілі мен әдебиеті» магистратурасы он бес жылдан астам уақыттан бері біршама түлектерге мол мүмкіндіктер сыйлады.

7M01701 – «Қазақ тілі мен әдебиеті» (магистратура) білім беру бағдарламасы (БББ) Дублиндік дескрипторларға сәйкес біліктіліктің европалық, ұлттық, салалалық шеңберіндегі тиісті деңгейлер негізінде



құрастырылған. Аталған БББ-ның мазмұнында европалық құзіреттілік шеңберінің (ЕКШ) 7-деңгейі және ЕКШ-ға негізделіп құрылған ұлттық құзіреттілік шеңбердің (ҰҚШ) 7-деңгейі, ҰҚШ-ның құрылымдық бөлігі болып табылатын салалық құзіреттілік шеңберінің (СКШ) 7-деңгейі (7.1., 7.2., 7.3., 7.4) және 7-деңгейі қамтылған.

Ғылыми-зерттеу жұмысына ауқымды кредит бөлінген. Тағылымдамадан өту мен магистрлік диссертацияны орындауды қамтитын магистранттың ғылыми-зерттеу жұмысы (МҒЗЖ): (24) Ғылыми семинар (3), Магистерлік диссертацияны орындау (14), Ғылыми тағылымдама (3), Ғылыми журналдарда/ғылыми-практикалық конференциялар материалдарындағы жарияланымдар (4), Магистерлік диссертацияны рәсімдеу және қорғау (12) кредит.

Жоғары білім берудің мемлекеттік білім беру стандарттарына және ОП-ның негізгі оқу жоспарларына сәйкес магистранттарға педагогикалық тәжірибеге 4 кредит бөлінген.

БББ-ны оқу-әдістемелік қамтамасыз ету ішкі номативтік құжаттардың негізінде құрастырылады

Университеттің ғылыми кітапханасында Республикалық ЖООаралық кітапхана, Web of Science, Scopus, Springer, Эпиграф, Қазақстанның ашық университеті, Қазақ Ұлттық электрондық кітапханасы, Әл-Фараби атындағы ҚазҰУ мен Абай атындағы ҚазҰПУ толық мәтінді электрондық кітапханалары пайдаланылады.

Университет кітапханасында Қазақ тілі мен әдебиеті мамандығына арналған барлығы 9267 әдебиет бар, оның 7997 – қазақ тілінде; 1260 – орыс тілінде, 10 – шетел тілінде.

«Рухани жаңғыру» бағдарламасы бойынша кітапханада қазақ тілі бойынша – 6 аталым (761 дана); әдебиет бойынша – 10 аталым (580 дана) кітап бар.

Кафедра профессорлары Ж.Т.Қобланов «Абай: дәстүр және жаңашылдық» атты электронды оқулық, С.Н. Қамарова магистранттарға арнап «Жоғары оқу орнында қазақ әдебиетін «Мәңгілік ел» идеясы арқылы оқыту (қазақ тарихи романдары негізінде)», Б.И.Нурдаулетова «Қазақ тіл біліміндегі жаңа бағыттар», «Ареалды лингвистика», «Когнитивті лингвистика», «XX ғасыр басындағы тіл білімі» атты оқу құралдарын дайындады.

Мамандықтың 7М01701 – «Қазақ тілі мен әдебиеті» (магистратура) бойынша 7 пәнінің бәрі де толық оқулықпен қамтылған.



БББ оқу-әдістемелік қамтамасыз ету МОӘК мен ПОӘК-де көрініс тапқан. ПОӘК төмендегі ішкі нормативтік құжаттар негізінде (Мамандықтар мен пәндердің оқу-әдістемелік кешендерінің құрылымын, мазмұнын дайындау мен бекіту тәртібі) әзірленеді.

Таңдалған метақұзіреттер білім алушыларда білім беру бағдарламасы модульдерін игеру кезінде қалыптасады. Жұмыс берушілердің ұсыныстары ескеріліп, олардың ұсынысымен: «Маңғыстау өңірінің тілдік лингвистикалық аспектілері мен әдеби мұраларын ғылыми - зерттеу жұмысы», «Мифопоэтика», «Қазақ тіл біліміндегі жаңа бірліктерді зерттеудің аспектісі» пәндері енгізілді.

Сәйкестендірілген құзіреттіліктердің БББ модульдерімен өзара байланысы матрица түрінде белгіленген.

БББ матрицасында көрсетілген қалыптасатын түйінді құзіреттердің, кәсіби модульдер блогына кіретін нақты модульдердегі интеллектуалдық және академиялық дағдылардың өзара байланысы көрініс тапқан, ал тәжірибелік дайындықты көрсететін құзіреттер тәжірибе модулінде, қорытынды аттестаттау, қорытынды модульдерінде көрінеді.

Бекіту барысында БББ сыртқы сараптама мен жетекші мамандар тарапынан рецензиялаудан өтеді.

Университетте оқу жоспары мен алға қойылған міндеттерді орындауды қамтамасыз ететін БББ сапасын бағалау мен экспертизадан өткізудің үздіксіз ішкі механизмі, сондай-ақ оларды жетілдіруге арналған кері байланыс жұмыс істейді.

БББ мазмұнына, оның өзектілігін қамтамасыз ететін жаңа зерттеулерді қамтитын пәндер енгізіледі. Білім беру бағдарламасына сараптама жүргізу негізінде өзгерістер енгізіліп отырылады.

БББ сапасы мен экспертизадан өткізудің ішкі бағалау университетте жүретін процестерді мониторингілеу жолымен жүзеге асырылады:

Оқу жұмыстарының түрлерінен басқа кәсіби тәжірибелер мен дипломдық жұмыс та жекелеген модульдер болып табылады, сонымен қатар білім алушылардың жоғарыда аталған метақұзіреттерін (құзіреттер) қалыптастырады.

Университет сайтында БББ саны, оның мазмұны және негізгі құзіреттер сипаттамасы, оқыту нәтижелері туралы егжей-тегжейлі ақпарат жарияланған: [yu.edu.kz](http://yu.edu.kz)

7M01701 – «Қазақ тілі мен әдебиеті» (магистратура) мамандығы бойынша университет бітірушілерінің жұмысқа орналасуы 100 % толық жүзеге асырылу мақсатында іргелі жұмыстар жүргізілуде.



«Бос орындар жәрмеңкесі», «Ашық есік» шараларына жұмыс беруші мекеме басшылары шақырылып, ауқымды көлемде өткізіледі.

Оқу орны білім беру бағдарламасын білім алушылардың, оқытушылардың және басқа да мүдделі тараптардың қатысуымен ұдайы бағалау мен қайта қарау жүргізіп отырады.

Ш.Есенов атындағы Каспий технологиялар және инженеринг университеті – үнемі биік белестерден көрініп жүрген оқу орны. Университеттен түлеп ұшып, білім көкжиегін бағындырған түлектер арасында да елімізге белгілі тұлғалар, өз саласының майталмандары аз емес, есімдері елге белгілі отандастарымыздың біздің университеттің түлектері екенін зор мақтаныш тұтамыз.

